

著作堂集

上卷

燧木華金攻穢收境兵禍元氣
陰陽也亦滋善其有能去蟲者
有功於物者也蓋而息之者物
之讐也天地之於人也亦若是
則已矣能博創新者有功于
天者也有功者受賞禍焉者受

罰而何呼且怨乎而柳非之曰
天地大果蓏也元氣大癰痔也
陰陽大草木也假有能去其攻
穴者是物也其能有報乎蓄而
息之者其能可怒乎欲望其賞
罰者大誇呼而怨欲望其哀且

仁者惡大謬信仁義以避其內
生而死爾烏置有亡得喪於果
蕨癰痔草木耶而劉非之曰天
有形之大者也人動物之尤者
也天之能人固不能人之能天
亦有所不能植類曰生動類曰

蟲保蟲之長為智最大能執人
理與天交聯用天之利立人之
紀紀綱或壞復歸其始竟民知
餘難以被誣高俗以訛引天而
駭繇是而言天何預乎人乎噫
嘻三子皆有舉之說相非而實

相發其原本於子夏
僕蟲莊子

蟲天之道以俛仰譚子
化書小

化書之指歸則均乳水
合也傳

曰莊子者子夏之門人
也然則

韓子柳子劉子先後兩
譚子悉

莊子之門人也何以命
之以僕

蟲 蟲 天之道命之也

崇禎歲在壬午秋八月既望嘉

乘 髯進士譚埽

七段地鼈附負蝮
燈蛾
蜂
鼠婦

八段蟬

九段蜨娘

十段蝶蠃

十一段胡蜂
蜜蜂

十二段蛟蝶

十三段蜻蜻
紅蜻蜻
附蝙蝠

十四段螳娘

十五段竈雞 臧螂 叩指 屎蟲

十六段螢 蠶

十七段蝻 齋 附 蝻 蝻 天牛 齋 蝻

十八段蝻 蝻 附 蝻 香 百 念 附 蝻 蝻

十九段刺毛 毛 蟲 蓑 衣 蟲

廿一段蒼蠅 青 蠅 麻 蠅

廿二段蚊 烏 蚊 蟻 蒙

廿二段凡 蟲 白 黑 蚤 壁 凡 蟲

三十段	廿九段	廿八段	廿七段	廿六段	廿五段	廿四段	廿三段
蚪	龜	蟞	田螺	蝸牛	米蟲	蟻	蛔
斗	蝦	附蟹	蛤	蠅	四種	白蟻	九蟲
寫字蟲	蟻	蟻	蠅	蠅		飛蟻	管蠅
	蟻	白蟻	香蟻			蟻	蠅
和牙		蟻	附蟹				
尚牙			貝				
蟲				蚌			
守水				蟻			
瓜				蟻			
				蟻			

三十一段 踏場

三十二段 蟬

三十三段 竹蟲

青寧

三十四段 賦總

三十五段 賦總

三十六段 賦總

三十七段 賦總 束

著作堂集

雕蟲集卷之十代書

樵李諱貞默埽庵著 壻高佑紀念祖校

小蟲賦 并箋 上十七段

禾人賦禾蟲夏曰賦夏蟲翅蟬纖縲不踰分寸賭
記所觸方隅未周也稱文斯小取義或大雕蟲之
技笑至此乎子雲自目方言辭賦曰雕蟲而伎之
而小之小乎方言辭賦將大乎太玄法言也伎乎
方言辭賦將道乎太玄法言也噫嘻吾烏知夫

玄法言之非巢蚊睫而遊甕天耶其為伎也抑又
眇末矣雖然壯夫不為雕蟲而姬公為之經辭曰
吳志云黃龍三年繇孝野稻成禾遂改繇孝為
禾興縣赤烏五年因太子名和改禾興為嘉興
縣嗣後代有更置嘉禾之名不改此周吳越之
區脫漢會稽之澳茲也人蟲滋繁固其所已方
言楊雄志也而雄之言曰雕蟲小伎壯夫不為
爾雅周公經也而昔人詩曰姬公大神聖爾雅

詮蟲魚

羣物一蟲惟蟲能天羽毛鱗介倮屬同年埒豎長
率人無攝專蟲號混一正統大全家語戴記爾雅
方言謂經不信自昧化權割耳寫目款曲周旋蟲
蟲逼塞化化綿延虛神氣血無黨無偏地水火風
盜方盜圖人居蟲國蟲蟻人宣肆進曳白藩溷草
玄

莊子曰惟蟲能蟲惟蟲能天全人惡天郭象注

蟲能全天而不以天自居如全人有天之名而
惡之也家語子夏曰羽蟲三百有六十而鳳為
之長毛蟲三百有六十而麟為之長甲蟲三百
有六十而龜為之長鱗蟲三百有六十而龍為
之長倮蟲三百有六十而人為之長大戴禮所
載同景昇化書曰虛化神神化氣氣化血血化
形形化精精化嬰嬰化童童化少少化壯壯化
老老化死死復化為虛虛復化為神神復化為

蜘蛛

物化化不間猶環之無端又曰天地盜太虛生
人蟲盜天地生蠶打盜人蟲生佛經地水火風
曰四輪亦曰四大晉陽秋云左思作三都賦門
庭落網皆着筆札

相寵寵兮翠織儼經緯兮若思邈結繩兮上古作
網罟兮是規身自縑而自績足為杼而為機締密
而成匹帛絡練而絡罟思挂笈愛而駭蕩幕草土
而委麗禦征旅而為暴控河北與荆西縱橋梁之

壁喜
蝻

蠨蛸

壁虎

可越咎關隘之難馳坐孔方兄于繭壁設奈何阱
于塗茨阨堵是守錢之虜翻屯作慣訟之師客不
招而何喜利攸往而焉如善健忘之无咎乞小巧
以奚為腹夢憂云脏婦胖容嘲曰侏儒亦有釣緡
尾絆縲綫面馳生擒活搏執搏悲嘶慈假開于三
面毒巧寄于一絲賤丈夫之壘斷伺物來而攘之
遇大力之劫突固緘矜而安苑俄固套之破漏險
膠漆之易離

蜘蛛呼績蛛績象其績絲蛛義取珍珠象其
圓形也字說謂設一面之網物觸而誅取知所
誅之義非是其形鏡頭山目尖喙大腹兩鉗六
足小者青大者綠或灰褐又大者黑斑或赤黃
五色點對相錯深有文彩絲出于尾其絲右繞
繆庭院簷壁間如箕篩空中懸布暑熱時絲如
膠飴物着輒粘秋爽漸不復粘然上粘蚊蠅間
粘小蜻蜒遇蜂虻衝突而去市語打破網圍嘲

毒音
秋生
音報
字半
遠可
詩者
不音

國人計敗也。能據蜈蚣背而吸其髓。蛛腹輒脹入水吐涎。乃解不則俱斃。人被蜈蚣螫者以蛛就傷。蛛自喜吸而愈。氣之致感如此。尋常能螫人。其溺着人生瘡甚惡。有極大。多年者迎風不動。云腹中有珠。名定風珠。爾雅云次蠹。蠹蠹蠹。蠹蠹蠹。郭璞注云江東呼蝦螫。齊人呼杜公亦言網公。邢昺疏云蠹即蠹。蠹別名。方言云自闕而西。秦晉之間謂之蠹。螫自闕而東。趙魏之間

蜘蛛

謂之龜龜或謂之蠶蚘蠶蚘者侏儒語之轉此
燕朝鮮冽水之間謂之蜻蛉亦云蜻蛉易林云
蜘蛛作網以司行旅陶弘景云懸網者名蚘蠶
赤斑者名絡新婦黃帝夢書云夢見蜘蛛憂氣
脏婦論衡云七夕取其網置衣領中令人不忘
亦云得巧抱朴子云以赤斑蜘蛛及七種水馬
合馮夷水仙丸服之可居水中塗蹠可步行水
上語曰蜘蛛塗足不用橋梁。爾雅又云土蠶

龜郭注在地上布網者禾多在孔穴中絡幕稠
密如綿或云即蜘蛛。爾雅又云草龍龜郭注
絡幕草上者禾有之青翠而小如草包網止畧
牽款絲。幽風云蠹蛸在戶爾雅云蠹蛸長踦
郭注小龜龜長脚者俗呼為喜子邢疏一名蠹
蛸一名長踦陸璣疏一名長脚荆州河內人謂
之喜母著人衣富有親客至有喜也幽州人謂
之親客亦為網屨之禾呼喜蛛每單絲垂于空

蝮音
迭入
齋場
音湯

中當人頭則占云有喜上無喜下或收其絲乃
上或墜于地陸賈曰乾鵲噪而行人至蜘蛛集
而百事喜。爾雅又云王蛛蟬郭注即螿蟪似
籠龜在穴中有蓋鬼谷子謂之蛛母酉陽雜俎
云齋前雨後多顛當窠深如蚓穴細絲其中土
蓋與地平大如掬芟常仰捍其蓋伺蟻獲過甄
翻蓋捕之纔入復閉與地一色無隙可尋而蜂
復食之秦中兒謠云顛當顛當牢守門蠟蠟寇

汝無處奔禾有之呼地績蛛。有形扁入足及
色貼壁作白幕乳卵其中身綠其外者禾呼壁
蟻亦呼壁蟹酷似小蟹幕似錢呼為壁錢北人
名壁繭又有形圓而長灰色如豆者跳踊捕蠅
尾常曳一絲捕得即以絲縛之禾呼蠅虎古今
注云一名蠅狐一名蠅皇一名蠅豹爾雅並不
載。爾雅翼云太昊師蜘蛛而結網帝王世紀
云湯出見羆者命解其三面置其一面更祝曰

蟻
音

昔蛛螫作網令人學結吾取其犯命者晉成公
綏張望徧有蜘蛛狀

若夫帝女條亭先蠶伊如白馬頸娘維西陵氏卵
妙既育房天法中曲指道蓬康醫明幃載除載飼
三眠三起夙夜愆機歸亦芳止咄翔馬而不奔斑
似虎而無噬目欺熨而織蠶賴手蟬娟而恡處子
神乞揚子花蕊星遠千手天起商絃絕而絲含蠶
滿登而事喜始川浴而終益縑卜三宮而御大禮

蠅音
蠅音
蠅音

作
蠅音
蠅音

羅敷麗採于城隅園客薦香于管籥三旬之蠅蛹
已異七日之娥羅欲新及渾沌竅之未鑿入湯沐
邑而轉歸引忽縞之縹緒歷溱澗以紛紜啓綵綉
兮纂組繁黼黻兮經綸鮫綃冰兮失煖牧縻絮兮
無文誰臨蠶兮求箠難野繭兮收成禁魏原之害
氣何八輩之愛珍善藏造化之巧無傷王政之仁
並抽繹于眇軀別蠶口而蛛後被羶酪之腥聞茲
章華之被愛僞倏而禮樂踵成噉噉而勳名立奏

蛾

蠅

蠅音
蠅

蠅音
蠅

蛾善淫兮鑽羽委五福兮不壽豈艾猴兮美男柳
 鷄鷓兮妖后揚娥眉兮不讓蠹狐媚兮中冓蝸蝓
 蝓兮桑野力自食兮無咎人乍見兮毛起比金厄
 兮難售逝獨往兮獨處中借肥兮借瘦娥視蠹兮
 兒孫蠹視蝓兮隣蓋共食味兮死生性遠換兮莫
 畜

蠹禾呼天蠹請成賊衣食憑之關乎天命因有
 以天虫作蚕字太平御覽板刻亦然此誤也蚕

音腴乃蛆蚓名不可以代蠶字其形扁唇高額
短脰身有九節前四小足後六大足尾尖蟲立
有烏色白色斑色不見有眼市語呼肥人為無
眼蠶禾俗清明朝婦女以蠶卵貼于胸前煖則
活出謂之護紗以毛埽之古記所稱初拂曰耗
也既出以炭火煖之謂之蠶炭畏鼠盜食家必
畜猫謂之蠶猫棧戶拒人往來謂之蠶月蠶事
官府為停兩是謂之放蠶忙其時有兩謂之蠶註

車水能壞毒孰其器大小以竹為之謂之蠶踏
亦名蠶箔蠶筐餵葉必明溫之室拭水濕痕而
灑之必勻厚毋間斷遲薄稍餓則謂之斲絲腸
初眠曰出火頭眠與剪葉二眠後與完葉三眠
與連枝蓋葉其食葉如風雨聲口捲立盡是曰
蠶食時昂首不食曰登蛻皮曰眠頭有胎生驟
長益多者曰長娘眠起食葉曰起娘又有四眠
曰大眠大眠後食葉愈至至脰節間明徹無葉

色乃移置作繭處謂之上山山以稻草為帚立
于繭燻之所取蠶置其頂太光則不作太割則
不厚三日內使明闇兩番乃成繭將作繭時先
自淨去其腹積謂之登展溺有兩蠶合作而大
者謂之唐公繭古記所稱同功繭也有中細者
謂之夾腰繭小而堅者謂之石繭收成謂之破
繭暴日中三日謂之亮繭入鍋煮抽謂之動絲
車績者為絲粗者為綿其中所化蛹如軟棗有

黃殼能屈伸不死不生謂之蠶女絲綿既窮則
食之越六七日繭不暴不縛則繭頂唾濕啞
破而出曰蠶娥色白翼頻鼓扇體重不飛出繭
即相覓交媾腹先有卵越日解即道卵紙上成
行翼漸變花色似蝶終不能飛或復媾至枯禡
乃已其卵易活出用灰罈置土壁來春種也原
蠶永呼二蠶另一種繼蠶而育食桑重葉繭薄
成繭即澤中蛹大半化為蛆不可食成蛾者十

音杭
音坑
音坑

不一二蛆即蠻子蠅乳于蠶背者也其病死不
朽者曰白殭蠶蠶所蛻皮曰退有馬明退佛退
等名其屎曰沙其紙曰連蠶風云蠶月條桑羅
雅云蠅桑繭雉由樗繭棘繭藥繭虻蕭繭又云
蠅蛹又云蠶羅邢疏蠅等皆蠶類作繭者因所
食葉而異其名也食桑葉作繭者名蠅即今蠶
食樗葉棘葉藥葉者名雉由食蕭葉者名虻也
蠅蛹即蠶所變者一名蠅一名蛹蠶羅即蠶蛹

蛭音

所變者家語云食桑者有緒而蠶孫炎正義云
蛭是雄蛹是雌羅是雄蠶是雌本草圖經云卵
亦曰蛭卵出為蚘蚘為蠶蠶而蛹蛹而蠶蠶而
卵卵而復蚘說文云蠶名孕絳蟲亦名吐絲蟲
山海經云宣山其上有桑大五十尺其枝四衍
其葉大尺餘名曰帝女之桑易林云饑蠶作室
緒多亂纏端不可得又云秋蠶不成冬種不生
禮記祭義云大昕之朝君皮弁素疇卜三宮之

夫人世婦之吉者使八蠶于蠶室奉種浴于川
桑于公桑風戾而食之歲既單矣世婦獻繭于
夫人夫人副幃而受之及良日夫人繅三盆手
遂布于三宮夫人世婦之吉者使繅月令云季
春其曲植籩筐后妃親東嚮躬桑分繭稱絲受
功以供郊廟之服春秋文耀鉤云商絃絕蠶舍
絲古今輿服雜事云蠶始主后食之三灑而止
又云蠶所吐為忽十忽為絲五絲為繅十絲為

升二十絲為純四十絲為紀八十絲為總列女
傳云魯敬姜曰持而不出入不絕者細也推而
往引而來者綜也荀子蠶賦云身女好而頭馬
首屢化而不青善壯而拙老有父母而無牝牡
冬伏而夏游食桑而吐絲夏生而惡暑喜濕而
惡雨蛹以為母螫以為父三俯三起事乃大已
夫是之謂蠶理東方朔別傳云朔對武帝曰蠶
喙咄咄類馬色斑斑類虎太玄云紅蠶絲于枯

桑其繭不黃淮南子云黃帝元妃西陵氏始蠶
二十七日而化嵇叔夜云火蠶十八日寒蠶三
十餘日埤雅云蠶陽物也食而不飲三十六日
而化尸子云繭合而弗治則存蠹而棄漢舊儀
云蠶神曰花窠婦人寓氏公主雅翼云古者后
妃享先蠶先蠶天駟也一云即西陵氏周禮云
馬首掌斝馬葉原蠶原亦作蠶再也廣志名夏
蠶去草名晚蠶方言名魏蠶魏細也淮南子云

原蠶一載再登非不利也王法禁之者為其殘
桑也蠶書云蠶為龍時與馬同氣物不能兩大
禁原蠶惡傷馬也今以殭蠶擦馬齒馬不復食
其驗也唐書云武德中梁州野蠶成繭百姓採
用又云大曆中清源人韓景輝養冬蠶成繭詔
給復終身永嘉記云郡蠶自三月至十月有八
輩有饒珍愛珍寒珍等名本邑記云南陽郡九
真郡蠶一歲皆八績左思吳都賦云國稅再熟

之稻鄉貢八蠶之綿司馬徽別傳云人有臨蠶
求徽養者徽便以與之自棄其蠶蛾先孕而後
交其眉句曲如畫衛風云螭首蛾眉非拂燈之
蛾婦案爾雅蠅蛹一條上有蜉蝣何三字郭注
云未詳愚謂即蠶蛹之別名蠅者鬼也蛹者草
備者蜉蝣何者蜉之獨之剛動而不死不生不
知為何物合蜉蝣何蠅蛹五字乃盡蠶女之情
狀晉閻鳴唐楊泉俱有蠶賦○蠅永呼桑蟲大

倥音
革

如指似蠶吐風云蝓蝓者蠹蓋在桑野爾雅云
蝓高蠹却疏蝓一名高蠹韓非子曰蠹似蛇蠶
似蠹人見此則驚駭見蠹則毛起然而婦人拾
蠶漁者種蠹利之所在皆貴育也埤雅云蠹以
桑自叢雅翼云蠶致養于人萬千為族蠹則獨
行故比獨宿管子云龍欲小則化為蠶蠹婦案
大雅云倥革金厄韓奕注金厄饗首金環如蝓
今婦人臂上金鐲亦即高蠹之象故曰蝓曰鐲

瑞輝

也。搜神記云高辛氏時有蜀女父被掠母誓
曰得父歸者妻以女馬闕躍去數日父乘馬歸
馬鳴不已母道其故父乃殺馬暴皮于庭皮忽
起捲女飛去掛于桑樹女化為蠶食葉成繭後
人塑女像祈蠶號馬頭娘因尊養蠶婦曰蠶娘
及夫細雨晨梭明月夜幅締絡來涼布帛思煥髮
鬢桐音鼓吹相屬唧唧砌除瞿瞿垣曲愁絲象與
麻縷空二束之杼軸策懶婦之號寒比催耕于布

穀游芳草之王孫姜旅餐而野宿僮僕懷其不歸
豎兒據之入屋漆身為更名之豫讓綈袍是變姓
之張祿既也缶盜是登飲食斯勤髡參短簿喜怒
踰躡麟場列幟捭掣躡起岑牟與單絞飽老拳
而噬透拍張而得三公喑鳴而破鉅鹿或一鼓而
臨壑或佯走而襲復知蹶蹶以休休能戢武而不
騎未畧地而攻城非闕骨而鍼肉何相尋于仇讎
遇狹路而死觸豈兩雄之競霸抑雙雌之妬毒虎

高麗
音題

音雞

音屋
切

偏翳而磬怒龍獨眼而瞑服血蚤賞俘馘之功簫
 管奏凱旋之曲吟修更以達旦唱四壁而和屬貧
 士失職而私自憐孤嫠邱緯而嘯嘆數伊絡緯兮
 纏綿聲搖曳兮哽咽忱絨縷兮驟絕復縵縵兮續
 聲簫蟹雀之效何襄織女于漢躡石張支礮之響
 燈分卷續之氣洪拉攤而併奏驚援響之齊寡細
 明呀而嘽緩宛柅塵之亦旋緝樊中之札札維當
 戶之彘彘弭婦人之送佚導女子之靜專疑愴氏

之趣遠代閩師之編室

蟋蟀承呼躑躅即紙織之意又市語飽鳥綻脊
似鑽具肥綻而黑澤也秋初生至涼乃鳴形大
者寸頭是正方背平膈圓肉厚有青紫黃黑等
色挺鬚突眼或云無眼以鬚為眼其突而白者
是角潤項長牙牙亦有黑白紅黃等色張口露
牙喜鬪善噬兩翅甚薄而勁光彩炤耀如有銹
毛攢簇亦有中暖金線如帶者其寬翅者呼毘

鬚尾尖硬如箭雙鋒前四足短後二股長大有
翎刺蹴踢跳躍皆用之其股短者呼腿窮游手
或為捕畜出色者市價甚高因以博鬪金錢謂
之秋與獨鬚曰瞎無鬚曰育量鬚乃合市語所
謂鬚長弗鬪也一合為間二合為復間敗走不
復用者曰溜頭或傷創折股或顛仆竟死或初
敗旋勝或初勝終敗或仆傷許久復甦卒能致
勝敗者奔竄勝者必鼓翅奮鳴而逐之其最雄

者云是蜈蚣所化名百脚綻餘名號極多如生
蝦青蟹殼青茄皮紫銷金紫老白真黑沙黃紫
黃之類並名品畜必覓雌配之雌者尾岐為三
如曳三箭呼為三母枝與蟋蟀同處謂之貼雌
三母枝不知齷或有喫雄者名虎頭雌或為雄
所喫則雄齷酸不復能鬪畜以圓瓦盆有蓋不
通氣徑五六寸許中為窟窩如半月兩尖成方
亦有蓋徑二寸許雌雄並宿其中登蓋則鳴謂

之呼雌亦云。貽子子脹則病不能鬪或竟死。貽
子市語曰：籬子在蟋蟀尾有白如蠶卵者一粒
呼三母枝而逐之以尾授之三母枝登蟋蟀背
以尾接其子據子在蟋蟀尾三母枝登其背似
蟋蟀為雌而俗呼三母枝為雌未可解也。又為
小瓦方池徑寸置水點食即名水食其盆勿燥
勿濕水勿缺勿濁食每半粒精粲或以飽血蚊
一點食勿遲勿早勿重除宿食掃糞穢忌諸香

蝗

絲音

特音

云織機者。在夏緯曰序。張絲曰板。行緯之筭曰梭。說文。緯。緯。以絲也。綜。機。緩也。織。績。餘也。字林云。機。下所履。周禮云。閭師掌民不績者。不良考。上說云。蟻氏凍絲。晉盧諶有蟋蟀賦。蠶。蠶。何。知。職。此。勞。勸。蟬。蝗。連。類。夷。跖。殊。判。匹。婦。蠶。之。為。勤。相。而。禦。冬。匹。夫。耕。之。何。播。虐。而。乘。旱。逞。嘯。聚。以。興。戎。肆。鴟。張。而。壽。幻。螟。螽。蠶。蟹。群。監。猾。亂。沴。與。魁。緣。妖。從。吏。見。姦。冥。枉。而。難。知。狼。假。貸。而。無。厭。

蠡

待去
聲

敗節目而睽賤刺抵冒而漫漶髓腦吸而隰有赤
毛膏澤結而原無青蚌競石勒之為胡假梵天而
鼓誕書罪罄竹擢惡靡算哀此才遺瞻印雲漢禱
田祖之有神秉炎火而焚竄蠹賊善鳴種族汙漫
公羊書災周南誦贊曰宜子孫豈貽歲患負蠹蠹
斯苗裔莫辨同姓不孌通宗未傳狄青非梁公之
本支崇齋豈汾陽之籍爾彼蚱蜢與螻蛄鮮歲時
之塗炭玉石之焰宜分鼠璞之名易賺戕稼浮于

蛟結

殺人刑書莫留效，意戶批兮何避磨鐵兮。何親人
憎兮，鬼狎靈伏兮。存鷲首穿墻而號，鼠足盜火而
為。海孽伎倆之陰說，總殫竭于五能。非陽春之寡
和，譁下里之巴人。塊方牛之土德，跡齒莽而耕墾。
齷齪肉流，食黍不被。蟲豸擬議，螽蟴差等。平反云
何，無傷。頌類怪哉，草莽身名。胸臆嗶嗶，載喚趯趯。
戴警上下，鳴思媿交。風影利爪不生，強筋亦泯。體
突滑而脂膏，口嚙吮而涎隱。近吮癰舐痔之流，受

蚯蚓

蠶音
讀

甘言美嗜之疾梁丘遠操竿之唯阿晉韓娥繞梁
之曼引有情無心無心有首卒化百合以歸草何
嫌阜蟲之非蝶飛與走兮夫婦蠶與蚕兮牡牝比
鳥鼠之同穴竊物理之難審

蝗木向無此物年八九十老翁亦云未見崇禎
辛巳之異也是歲三夏赤旱蝗自江北蔽天而
至一集毒數十里初番食秧再至食苗秋復生
小蝗食稻所至立盡鳴金寡神不能去也舊云

監音
古嘔
音嘔

頭上有王字故稱蝗。蝗之果似色亦黃如禾所
呼麻蚱而大胸有圓孔可貫索俗云有神號劉
猛將司之欲來則貫之來欲去則貫之去其形
方頭突目長角修股腹多子蝗未至前數年輒
有無足小青蟲食苗葉又以絲纏裹衆葉使穗
不得展呼為監嘍婦因悟唐風王事靡盬不能
執稷黍小雅王事靡盬不遑將父註監為堅固
非也說文監蟲通蟲能害器敗穀者謂之監詩

意云王事非如害稼之蟲而何使我不能菑黍
稷不違養父母也左傳云晉侯夢楚子伏已而
監其軀杜注監逮也監唵二字本此即食苗心
之螟蓋蟬之先也小雅大田篇云去其螟蠃及
其蟊賊無害我田穉田祖有神秉畀炎火爾雅
云食苗心螟食葉蠹食節賊食根蟲又云蠃螟
均郭注分別蟲啖食禾所在之名蠃蝗子未有
翅者即疏蠃一名蠃均李巡云姦冥冥難知曰

螟假貸無厭曰蠶貪狼曰賊稅取萬民財貨曰
蠹淮南子云枉法令則生蠹螟許慎云吏冥冥
犯法則生螟吏乞貸則生蠶吏抵冒民財則生
蠹徒為文學云四種蠹皆蝗也月令云仲夏行
春令百睦時起秋行冬令介蟲敗穀列子云魚
卵為蠹陸機疏云螟似野蚘而頭不赤賊似桃
李中蠹蟲赤頸身長而細毛詩義疏云柔蠹長而
細一名蠹蝥或云柔蠹蝥蝥食苗根為人患蔡邕

云蝗蝻也當為災則生水處澤中數十里一朝
蔽地而食禾粟苗盡復移魚子化為之陸佃埤
雅云詩稱泉維魚矣實維豐年謂春魚遺卵岸
間明年水及岸則為魚不則日暴成蝗故豐年
等魚西陽雜俎云蝗腹下有梵字云從梵天來
西域作本天壇法穰之春秋云宣十九年冬螽
生國語云蟲舍蚍蜉韻經云恠蝗為蟹晉陽秋
云石勒與蝗競取民禾時號胡蝗。螽斯斯螽

負蠱禾統真此種亦無此名惟有善鳴者呼麻
蚱即莎雞即絡蠃也又有善跳不鳴視麻蚱殊
小在田禾中往來翼小不飛跳亦不遠者呼萬
蠱亦呼蚱蠱色如葛與麻蚱兩者皆腹無多子
不害稼非此地之蠱也此地蠱類既多名亦各
辨必有是蝗非蝗害稼不害稼之分凡注疏亦
止云似蝗耳似蝗而不為災歲時恒有者通得
蠱名不可不析也周南云蠱斯羽薨薨兮宜爾

子孫繩繩兮召南云嘒嘒草蟲趨趨阜蟲幽風
云五月斯蟲動服爾雅云皇蟲螾草蟲負螾蜚
蟲螾螾螾螾螾螾土蟲蟻窠又云螾醜奮強醜
扞邪注皆北地土音難曉不錄邪疏阜蟲一名
螾餘倣此螾蝗是一物醜類也螾蝗之類好奮
迅作聲而飛螾斯之類好以脚自摩扞公羊傳
云螾何以書記笑也春秋佐助期云螾之為蟲
赤頭甲身而翼飛方言云螾壽黍也幽州人謂

之春箕蔡邕月令章句云蝥類乳于土中深埋
其卵至夏乃出江東謂之蚱蟥善害田穉陸機
疏云蝥斯蝗類長而青色黑斑長角長股其股
似玳瑁文五月中以兩股相搓作聲聞數十步
草蟲常羊也小大長短如蝗奇音青色好在茅
草中今人謂蝗子為蝥子兗州人謂之騰蝥蝥
亦蝗子埤雅云皇蝥今謂之蜉蝣示跳示飛飛
不能遠青色一母百子蘇氏云蝥一生八十一

蟻
近豎音
蟻
音
蟻
音

子朱子云一生九十九子蝨一作蠹一作蟻一作蟻
蚯蚓禾呼曲蟻形色如土條屈伸如蜈蚣居地
中久雨而鳴則晴俗謂之啼亦謂之唱曲故呼
曲蟻或文以嘉名曰蚓笛小兒嬉于濕地者陰
為所呵則病腫市語稱呵即胞物以石灰水及
鹽湯解之爾雅云蟻蚓豎蚕郭注即蜚蟻也江
東呼寒蚓形疏蟻蚓一名蠶蚕家語云食土者
無心而不息月令云孟夏後五日蚯蚓出冬至

日蚯蚓結因書時訓解云立夏後五日蚯蚓不
出屢奪后冬至日蚯蚓不結君政不行河圖說
徵云黃帝起大蚓見如蚯蚓考工記注云却行蟻
屬蟻即蚓志云引達于寅故從寅大戴禮云蚓
無爪牙之利筋骨之強上食埃土下飲黃泉用
心一也劉賓客嘉話云瓊州地名胸臆胸臆是
蚯蚓也土多此蟲常至夏江畔出其身半跳于
空中而鳴化書云蚯蚓化為百台古今注云蚯

蛭巴人謂之狗眼江東謂之歌女一名鳴砌一
名塞蛭一名蛭蟻一名蜜壇夏夜好鳴于草底
老則白頭名土龍至冬化百合吳氏本草云蛭
蛭一名白頸螳蟻一名附引張衡云圭壇鳴則
負蟲跳郭璞贊云蛭蛭土精無心之蟲交不以
分淫于皇蟲觸而感物乃無常雄埤雅云蟬無
口蛭無筋蛭即草蟲鳴于上風皇蟲鳴于下風
而風化物類相感志云蛭蛭皇蟲異類同穴為

雌雄蚯蚓鳴則蠶蟲跳躍五月五日伺其偶合
收而佩之令人相愛婦案諸書皆謂蚯蚓即草
蟲就其化百合歸草益信毛義未攷耳禾有蚯
蚓而無阜蟲不能據證蚓一作蝨。螻蛄禾呼
臭螻蛄生糞土中穴土而居頭長似鼠有二短
翅四長足吸風食土雄者善鳴而飛雌者腹大
不善飛健走能穿遠壤呼為螻蛄耕夜出撲燈
則火或滅滅則人云見其足帶火而去為鬼使

螿
音
解
音
螿
音

取火作燄呼急偷火蟲共忌而逐輒撲殺之夜
鳴土中如蚯蚓市語螿蛄叫曲蟻啼謂其聲相
混唾敬人之未善也又舊諺云螿蛄叫得腸斷
曲蟻乃得敬名謂鳴土中者乃螿蛄非蚯蚓為
牀頭捉刀人言之也爾雅云螿天蛄郭注螿蛄
也邢疏螿一名天蛄一名碩氣即今之大蛄蛄
也爾雅又云螿蛄郭注螿蛄類夏小正
云三月螿則鳴月令云立夏螿蟻鳴周書云立

略音
格螻
音空

夏之日蝼蛄不鳴水潦淫漫周禮注云蝼蛄臭也
此蟲甚臭故得蝼蛄名傳云腥蝼蛄而不可饗羶惡
而不可親劉向別錄云黃帝土德時有大蝼如
牛方言云蛄者謂之壯畧蝼蛄謂之蝼蛄或謂
之蟻蛉南楚謂之杜狗或謂之蠅蝼蛄古今注
云蝼蛄一名碩鼠一名梧鼠一名仙蛄一名石
鼠魏風云碩鼠碩鼠無食我黍荀子云梧鼠五
枝而窮能飛不能上屋能緣不能窮本能遊不

地龜

能度谷能穴不能掩身能走不能免人莊子云
螻蛄不知春秋埽案碩鼠梧鼠螻蛄三名皆蝼
蛄別名或云蟲亦蝼蛄今禾中蝼蛄不害稼似
非蟲豈魏地名碩鼠者固害稼耶李時珍本草
云螻蛄同蟬名蝼蝻同蛙名石鼠同碩鼠名梧
鼠同飛生名名同物異也呂子云流水不腐戶
樞不蝼類從云磨鐵致蛄
何物踴跚匪罝匪鼃窮環介冑索韃周旋負柱斯

燈蛾

駕脂爲是夢，銜燈愧中期。不憊走循牆，而無聲
船南箕，西會舌。神兵解之有，銜刀中斷而仍接。偶
燈蛾以作緣，緣昏出于火。豈匹齊大而，非偶嫁凶
奴。而遠懸盡化，小兒嬉戲土。豈彷彿螭，背重而
蹶力。蘇勇上休地，終疑器浮則傾。繫過必裂，自量
固難知。山在決赴，嗜者蛾愧稱。明詰始繞鞭，兮疾
擊卒。闕類兮焦頭，甘駢驅兮鼎鑊。誓就光兮去幽
迹，樽礪之賦烈。禍白馬與清流，疇超然而免評。疇

蜉蝣

不與以為羞疇亡命而得脫疇舉旅而見收構玄
黃兮水火角明黨兮蜉蝣兮出陰遠化兮交
溝介衣裳兮楚楚冠掘闕兮汰猴逐污豬而波靡
忽敢盡于豕獐彼狐狸與獐貉及待其首丘謝
朝菌之晦朔况蟋蟀之春秋悟陰陽與冰炭爭一
息之浮漚亦有伊威厥生坎窞土故織身惴行黯
焉喪底無天益揭斲覬社鼠是憑角窟入奄穹室
日月窟處魁竄畏虛室之生白樂修夜之不暘息

鼠負

九泉兮辭就早恭死兮朽亡嫗婦寺兮宵輩壽蟬
蟬兮不祥

塵木時地蠶蟲形扁如蠶大者徑寸有甲無翅
健走小有真意好生鼠壤中及屋壁下小兒多
捕以負物為戲刀割兩截仍置一處即粘續能
行如故醫家取療挫折殊驗陸農師云塵途申
日則過街故名過街陶弘景云蠶一名土蠶狀
似嵐婦而大與燈蛾為牝牡亦名地蟬俗名蠶

箕蟲亦名蚘蚘蟲爾雅不載。火蛾非蠶蛾木
呼撲燈蛾夜繞燈火疾飛多燒墜油盞中及粘
灼燭上而死雨後盛多篝燈處隙積几案或于
燈邊置盆水則悉投水中陶弘景云蠹燭諸蟲
至老各蛻大為碟小為蠶一名慕光符子云不
安其昧而樂其明是猶文蠶去暗赴燈而亡抱
朴子云明膏舉則下有聚死之蟲齊鮑昭有飛
蛾賦中語云託身幽草下畢命君子堂爾雅不

藪。時螭采澁呼水蟲亦呼小水鼈蟲生積雨
後溝渠汚水中長寸背色黃黑有光布滿水面
忽有忽亡書風云蜉蝣之羽衣裳楚楚蜉蝣之
翼采采衣服蜉蝣掘閱麻衣如雪毛義掘閱未
詳埤雅云襦上使覓管子所謂掘閱得玉者是
也麻衣深衣諸侯夕服田十五升布深衣而純
以采繭雖云蜉蝣渠略郭注似蛄蟻身狹而長
有角黃黑色叢生糞土中朝生暮死豬好啖之

邢疏蟬蛭一名渠略家語云蠶食而不飲蟬飲而不食蛭蛭不飲不食夏小正云五月蛭蛭有殷淮南子云蛭蛭三日而死王褒云蛭蛭出以陰陸機云蛭蛭似甲蟲有角大如指長三四寸甲下有翅能飛夏月陰雨時地中出今人燒炙噉之美如蟬也陸佃云蛭蛭朝生覆水上及暮隨死隨流有浮游之義陶弘景云蠟蠹所化一名黑青食穀為災樊光謂之糞土蝟蟲說文渠

蟠音
頰

略作蟲蟠音同晉傳咸有蟬蟠賦。鼠負禾混
呼濕生蟲多在下濕處甕器底及坎中小者分
許白色大者三四分許灰白色背有橫紋蹙起
多足健走在暗則住見光則急竄必入暗乃已
幽風云伊威在室爾雅云蟠鼠負又一條云蚍
威委黍郭注鼠婦甕器底蟲蚍威舊說鼠婦別
名然所未詳邢疏二條是一此蟲一名蟠一名
鼠負一名蚍威一名委黍也負一作婦陸機云

在壁根下甕底土中生似白魚陶弘景云多在
鼠坎中鼠背負之曰鼠負一名鼠姑或名鼠婦
埤雅云食之令人善淫故名鼠婦俗名鼠粘謂
粘鼠背也本草圖經云一名蚊蟻一名地雞一
名地虱婦案爾雅明分兩條一曰蟠鼠負一曰
蚶威委黍定非一物郭注蚶威舊說鼠負別名
然所未詳是不了義也愚謂兩條中塵蟲必居
一于此室無人婦則出行二物情狀頗類伊威

蟬

必廢蟲也。爾雅云：傅負，蝮，強，斷。郭注未詳。又注：即強，醜，特，非也。柳宗元有蝮蝮，傳云：蝮蝮者，善負小蟲也。行過物，輒持取，印其背，卒躓，仆不能起，人憐之，或去其負，苟能行，持取如故。又極力上高，至墮地死，婦案此傳，柳州所親見，而寓言，乃所以為強，斷也。與蠶一類，地產，性氣稍殊耳。禾無附賦。

若夫高寄，藉條，蟬，獨步，拖影，深林，不巢，不羈，飾

嚙音

嚙音
嚙音
嚙音

花冠而綉垂齒。絕尾而翼輔。表侍臣之誇脩。倘五
德而素素。避解綬而遂初。虞立朝之見妬。伴不食
之貌。姑澹咽。眠而飲露。當長嘯之蘇門。叶鼓吹之
數部。清商兮啓涼。苑柳兮嘒揚。俄踈引兮中咽。更
沉媵兮彌長。應期朗唱而妖言。懾息當陽。祥奏而
權倖。權藏結舌。則寒蟬恥于中咽。內鼻則沸羹。比
牙。綉塘。淮時語。隄以中節。不形喜怒。而守常。豈出
青林而膏淫。樂致。籠戶。竊而。故。虛。長。况。病。後。之。巧。

假音 格音 蟻音 蝻音

擬更蝗蝻之賊傷矢絜亢之可表巨禍機之易張
喜脩委蛻而登假下嚙糞土之蝻蟻
蟬亦呼致颺漸引涼風之義也其聲似曰致颺
致颺因呼致颺叫非呼其名曰蟬帝六月酷暑
始有聲七月聲最繁八月漸稀矣身約長寸餘
青綠色微紫方首廣額有冠兩翼濶大覆身多
半平背如削方本有六足以脅鳴聲大于身始
終一調無輕重低昂停風稍緩災日轉急惟飲

蟬
音

小茅蜩小蟬青色江東呼為茅蠶蜩蜩中最大者曰馬蟬蜩寒蜩也似蟬而小青色蜩蝻即蟬甥也一名螻蛄齊人呼螻蛄者剖母背而生形疏此辨蟬大小及不同之名翥飛也醜類也蟬屬皆剖折母背以為孔罅而生夏小生云四月鳴蜩虎懸五月蟪蜩鳴七月寒蟬鳴傳藝小蟬綠色易通卦駮云蟪小九候蟬始鳴不鳴或妖言周書時訓解云夏至又五日蜩始鳴不

蟬音

切音

鳴貴臣放逸立秋又十日寒蟬鳴不鳴人皆力
爭說文云蟬勝鳴也淮南子云蛇無足而行魚
無耳而聽蟬無口而鳴又云蟬飲而不食三十
日而化易援神契云蟬無力故不食方言云蚳
蚳齊謂之蟻蟻楚謂之蚳蚳秦謂之蚳蚳自關
而東謂之蚳蚳或謂之蟻蚳或謂之蟻蚳西楚
與秦同名也蟬謂之蚳宋銜之間謂之蟬陳
鄭之間謂之蚳蚳秦晉之間謂之蟬海岱之間

崎音
枝音
札音
戴音

謂之崎其少者謂之蟪或謂之蝓焉其小者謂
之麥札有文者謂之蜻蜻其蟪謂之疋大而黑
者謂之蛾黑而赤者謂之蛻蝓謂之茅茅蝓蟪
謂之寒蝓寒蝓瘡蝓也徐廣車服注云侍臣加
貂蟬者取其清高飲露而不食也郭璞贊云蟲
之清潔可貴惟蟬陸雲寒蟬賦序云蟬有五德
頭上有綏則其文也含氣飲露則其清也黍稷
不享則其廉也處不巢居則其儉也應候守常

則其信也論衡云蟻蟻化為復育復育轉為蟬
生兩翼不類蟻蟻敗朽古云蟬未脫時名復育
相傳結蟻所化韋翻見復育附朽樹根剖之腹
中猶寶爛木化書云黃蟬化子腐菌蟬者變化
相蟬也古今注云齊王后怨王而死屍變為蟬
故蟬名齊女作牛亨董仲舒問答云云說宛云
蟬高居悲鳴飲露不知螳螂在其後李時珍本
草云蟬名諸書所載混亂不一今為攷定夏月

始鳴大而色黑者蚱蟬也又曰蝓曰馬蜩頭上
有花冠者蟾蜍也又曰蠃曰胡蟬其五色者娘
蜩也小而文者曰螾曰麥蜚小而色青綠者
曰茅蜩曰茅蠹秋月鳴而色青紫者曰噍蛄曰
蛤蜊曰蜉蝣曰蟪蛄曰蟪蛄小而色青赤者曰
寒蟬曰寒蜩曰寒蟬曰寒蟬曰寒蟬未得秋風則瘖不能
鳴曰痛蟬二三月鳴而小子寒蟬者曰蟬母雌
蟬不鳴曰啞蟬蟬蛻曰蛻亦曰蛻古人食蟬夜

蟣
娘

蟣漢曹大家魏曹植晉傅玄傅咸陸雲宋顏延
之陳褚琦並有蟣賦

彼結蟣兮牛後力推軫兮登棧徵竒貨兮可居掖
黃金兮遠販御一唱兮一隨斫筋骨兮揮汗豈解
鬪兮弄汗南垣僚之丸抑苦饑兮逐公子韓嫣之
彈朝見請兮挂角編暮詞歌兮白石蠟何樂此而
忘疲宿轉園而鍛鍊結精思于疑始存蟻白于靈
現思父母之劬勞勤閤鞠而貽燕似厲人之生子

西音
安四
音四

遽取火而夜眺肖美胡之產維凸醜準而四面暨
夫復育背罅蟬蛻躬禪潔饑是甘穢飽無戀出幽
遷喬爽吟遐盼初嫌不潔之蒙卒儼齋沐之薦周
征西處之自新羊大夫殖之善寔易羶酪而沆漑
彼推結而冠弁游太清而愈上遠淤泥而屢換羊
趙簡子之大夫

蟻娘承呼水鬣燕吐此牛糞在大路江南牛糞
在田水之涯蟻娘聚堆處也身甲黑而有光深

目高鼻扁頭有翅在甲下不能飛不遠五六月間
以土色牛糞轉而成丸雄曳雌推置于坎中覆
之而去數日有小蟻蟻出蓋字乳其中也子小
而黃夜附母腹翼下而飛見燈光輒至晝則小
者自飛至夏俱登木而蛻是為蟬爾雅云蛄蟻
蟻 蟻郭注黑甲小蟲噉糞土邢疏蛄蟻一名蟻
蟻 蛄尹子云蟻蟻轉丸成而精思之而有蟻
白者存丸中俄去殼而蟬彼蛄不思彼蟻奚白

蟬音
宰

蟬

莊子云蟬蟻之類在於蟄丸丸成而中有蟻
 者化書云蟬生於蟄丸抱朴子云玄蟬潔饑
 不羨蟻娘穢飽古今注云一名弄丸一名轉丸
 俗呼推車客一名黑牛兒一名錢甲將軍一名
 夜遊將軍廣雅云一名天杜一名天柱鼻如羗
 胡亦名胡蟻娘陶弘景云影目可出塵沙塗肌
 可出箭鏃銜波傳云蟻娘魚鼻而聞香
 乃若褲蜂細要純雄美卵羞負螟蛉祝之類我七

日來復不異乎乳致柔為嬰混氣為母契玄牝之
靖誠匪機智之可祖呂賈孕兮襲羸牛夷通兮繼
馬鄧兒擊樹兮無後何子畫廬兮難假幻似續于
嘔喻美式穀之螺羸能知雄而守雌竟薪盡而傳
火漢王褒傳嘔喻受之

螺羸禾名細腰胡蜂形如蜂黑色腰孛孛一絲
欲斷慣于小竹管中採土作房或于壁縫器物
邊自作土房亦如管式最喜案頭筆不常用者

輒為房格于管中作聲鳥鳥可聽曰類我者意
之也兩蜂雙往雙來每見其銜青蟲或蠅虎而
進出入畧不畏人間一舉用筆筆仍置故處亦
無妨忌有聲時不忍剖視既成子去乃破筆管
視之則賦土為格于管之半格內有委戲存累
累非一格外則兩蜂抱子處也小雅小宛篇云
螟蛉有子蜾蠃負之爾雅云果蠃蒲盧螟蛉系
蟲郭注果蠃即細腰蟲也俗名為蠋蠃螟蛉俗

物 幽 音
蛭 蛭 音

謂之桑蠶亦名戎女邢疏果羸一名蒲盧列子
云純雄其名穉蜂莊子云細要者化說文云細
要土逢也天地之性小腰純雄無子方言云逢
小者趙燕之間謂之蠶蠶或謂之物蛭或謂之
蠶蛭法言云螟蛉之子殪而逢果羸祝之曰類
我類我久則肖之矣陸機疏云螟蛉桑上小青
蟲也似步屈其色青或在草菜上果羸土蟲也
似逢而小腰取小桑蟲附之于木空中或書簡

筆筒中七日而化為其子。里語謂祝之象我象我化書云：螭螭負螟蛉，傳其情，交其精，混其氣，和其神，隨物大小，皆得其真。蠢動無定情，萬物無定形。又云：嬰兒似乳母，埤雅云：蝶處好禁蜘蛛。陶弘景云：雖名土蜂，不就土中為窟，謂捷土作房，爾房如併竹管，其生子如粟米，大置中，乃捕取草上青蜘蛛十餘枚，滿中，仍塞口，以擬其子，大為糧，非取青蟲，教祝變為己子也。段成式

說同陶又范處義云螺贏自有細卵如粟色白
微黃寄小桑蟲之身以養之小桑蟲不死不生
在穴中久則蟲枯其卵日長乃有小螺贏穴窠
而出如蠅子之寄蠶蛹而生蛆也李時珍云蜂
往來必雙豈非雌雄陶氏說為正鄭樵駁之云
後人壞螺贏房見有卵如粟在死蟲上者是變
與未變耳將故房看之其蟲殼皆如蛻形則非
為物所食明矣續古今注云龜鼈之類無雄雌

胡蜂 勦案 通蠶 音瘥 螫音 筮音 俞音 佩音 鈞音 音姜

蝶之類無雌埽案二說當是舊說得曰人之口
范則有冠人惡其目營勦百穿環堵仰屋野獯難
馴辛螫肆毒比蠶垂芒醜螫不淑腹割刃而莫口
口鳴金而誰觸懸壺整于俛瓢砥柱堅于輪軸架
樓臺而累層畫曲室而分屬翦茅茨以覆龕采漆
汁而丹雘穩無風雨之飄搖稔有素封之膏粱胡
戈獵以為生耽中華之臣服曾率西戎而集武弁
亦助鄭人而奪趙嘉東天驕而狼性慮平逢而神

蜜蜂

踏數音

族若乃遨遊村舍寢宿郊墨跨閭而語排闥而旋
認居停之熟主伴傭作之長年映簷日而狎野翁
之曝背避簷雨而效園丁之息肩遠翱翔于十里
鮮迷失于林間窮異花而必致信歸期而數造雄
風生于腦後猛火出于鼻口訥兼寡而益衆口口
降而引緣生殖繁而食口無濟操作均口口口口
愆聲鼓排而錘鍛力杵白而胝胼疑執筆口口口
作豈謹燭而忘夜眠忙賣漿家之竭蹶刺口口口

之轟聞畏盜而固匱篋之肩錡憂貧而老田宅之
犖牽甘黷腦兮靡厭嗜谿壑兮難填操刀忽兮割
割春糧宿兮罄懸刻嚼蠟兮卒歲竟辛苦兮誰甜
義敦簾陛之象禮篤藩屏之宣戢捍禦于一主擁
分封于再傳赴公廩而謀寶挾私藏而肯捐誅罰
厲遵乎徵令翁張定策手中權應期而兩衙必刻
殉難而誓死不讐是表君臣之大體庶慰後方而
載圖

蜂亦有野胡蜂有家蜜蜂野胡蜂之大者呼為
鐵嘴胡蜂胡象其聲也或云凡物黑色為胡或
云有鬚為胡或云野窠不服人如胡口不服中
國故曰胡此數胡者野蜂皆具之其形似牛蚤
長寸餘色赤而黃亦微黑蠹鬚方頭勁喙目斜
豎而凹深殊可畏惡故云蜂目豺聲兩翼六足
從二股長腹垂而大尾有毒刺如刀鋒故名蜂
人惹之則刺入肉即折不出不能再刺或云刺

折蜂亦死或于房畔惹一蜂則衆蜂皆聚而螫
之市語犯衆怒者曰惹胡蜂窠其房小者在籬
屋間如拳色蒼黑大者在叢木茂葉中如桶正
圓上銳如傘蓋有蒂裹粘于樹極堅下規如蓮
房中隔孔六角而圓或云每孔一蜂小者十四
箇差大者二十一箇山中有大至三四斗許甚
至圍丈者內隔六百二十六箇至一千二百四
十箇則禾中所無見其大者不過二三百隔而

已又云其裹粘房蒂是七姑木汁其蓋是牛糞
沫其隔是葉莖與竹蛀山中有重重如樓臺者
禾無其地中作房從土孔出入者時有之諸種
山中人或割其蜜噉其子禾惟藥病者取其虛
房耳家蜜蜂禾中郭外村落人家養之伺春日
分玉攤出如大土團着樹急以蜜籠罩取以焙
烟薰入籠收歸置木器中塗以少蜜閉一二日
遂不復逸或引他類而至或間有為他類引去

者收未全也其器少者七層多則九層十一層
數取單緊口套疊如篋無底任上下往來不通
風氣每套高六七寸方濶二尺許頂蓋用堅木
蜂垂蒂固于其間餘套俱空末套有底其旁向
南一面板可啓閉埽除板上多為小圓孔以任
羣出羣入下為土臺頓之置簷內近日處簷下
為竹窗禾名梅花眼篋簷蜂先從簷眼中入乃
進板上小孔出板亦必繚簷眼聲闐闐然甚鬧

板內無光蜂喜暗中作蜜自上而下彌滿四旁
日漸滋長垂至下層則以昏烟薰蜂令上而以
長刀連套割取下層計套可割三之一其器謂
之蜜蜂筒其蜂色正黃體方差長腰腹相稱畧
似蠅蟬絕不類野蜂但目類耳身有黃絨毛尾
亦有刺馴擾于人非甚怒之不螫也螫則失刺
歸即為衆蜂螫死云其王法如此雄者尾銳雌
者尾歧喜交交則黃退嗅花則以鬚代鼻採花

則以股抱之或云得蒲蕙異花則背負歸而獻
王不以股抱日出遊行十里能于南北東西窮
四十里香花之地而無迷失道路先後必同時
往還飛必從風起處逆往順歸市語目趨勢者
曰蜜蜂只揀旺風飛或云所採皆無毒之花先
以股蘸尿溺而厚粘之入筒頓放以翼鼓煽聲
如炊沸輪次晝夜不輟謂之蒸花所合作者名
蜜脾自上垂下如蠶人取其精者為蜜蜜底煉

疑水中者為蠟蜜出家蜂者色白如肪曰杜蜜
其市販來者色黃曰山蜜蠟色並黃白蠟非蜂
蠟乃蟲蠟也蜜最甘蠟最淡故曰味如嚼蠟蜂
必有王大于衆蜂而色青蒼腰有金線衆衆不
易見一日兩衙應潮王之所在衆蜂旋繞如衛
誅罰徵令絕嚴有君臣之義王充之蜂記云蜂
王無毒窠之始營必造一臺大如桃李王居臺
上生子于中王之子盡復為王歲分其族而去

其分也或鋪如扇或圓如罌攢其王而去王之
所在蜂不敢螫若失其王則衆潰而死其釀蜜
如脾謂之蜜脾凡取其蜜不得多多則蜂饑而
不蓄又不得少少則蜂倚而不作食者恐其分
而剝其王子不仁甚矣周頌云莫予斧蜂自求
辛螫爾雅云土蠶木蠶又云蠶醜螿郭注大蠶
在地中作房者為土蠶啖其子即馬蠶荆巴間
呼為壇木蠶似土蠶而小在樹上作房亦食其

子螫垂其腴也說文云螫腹下腴也蜂好垂其
腴以伏息山海經云平逢山有神如人而二首
名曰驕蟲是為螫蟲實惟蜂蜜之廬檀弓云范
則冠而蟬有綏注范一作螫蜂也或云范一作
萬蜂動以萬計故以萬名因借為萬億之萬援
神契云蜂蠶垂芒闢尹子云聖人師蜂立君臣
師蜘蛛立網罟師拱鼠制禮師戰蟻置兵化書
云蜂有君臣之禮抱朴子云蟻有兼弱之智蜂

有攻寡之計自然論云蜂無玉而盡死沫暫發
蒙記云蠅生積灰蜂出蜘蛛楚辭云玄蜂若壺
方言云蜂燕趙之間謂之蠓蝻大者有蜜謂之
壺蜂或呼笛師李時珍本草云土蜂名蜚零壺
蜂名瓠瓢蜂瓠瓢苦瓠之名也大黃蜂名玄瓠
蜂蜜蜂名蠟蜂竹蜂名留師蜜蜂居曰臺里語
蜂臺蟻樓野蜂窠白百穿亦名露房拾遺記云
武王伐紂夜濟河有大蜂如丹鳥集玉舟明日

梟紂因名蜂舟後鄭人擊趙簡子得其蜂旗。

躉蠍之長尾者段柯古云蠍前曰螫後曰躉一

名杜伯河內謂之蚊過江不螫人禾無附見

蛟蝶

爰有栩栩忘家飄蓬不繫飲香晨遊餐芳暮憩無

父子之宗支况君臣之規制擬無懷葛天之民放

標枝野鹿之志雜飛花而弄日驚紈扇而不伎靡

雌雄之亂行擇絢素而雙配冷風兮快哉片縉兮

去來墨漬兮朱點黃澶兮粉排掛帆兮立影澹葉

行音

思慧
通

兮尋苔少男名兮梁山伯好女字兮祝英臺連理
枝兮同心帶趨光華兮憐自媒鳳為車而偕馭錦
作裙而巧裁蕩子被文章而遊冶靜姝賣顏色而
徘徊青林兮舞席傾城兮傾國勺藥兮贈謹桑間
兮許匹春鸞兮秋鸞相接兮何急老矣于思藏其
淫疾夢漆園而逍遙進華胥而踵息終醉溫柔之
鄉不去黑甜之國喜謝客兮拂袖而無爭肯傲其
兮採花而傭蜜

蛺蝶亦呼大者曰蝴蝶小者曰蛺蝶大而彩者
曰梁山伯祝英臺東漢故事云男梁山伯女祝
英臺幼同學梁不知其女也而祝已心許之後
祝父母欲嫁之他姓祝不從亦不言而病死既
葬梁遊學歸過墓悲奠墓棺忽自開梁入從之
俱化為蝴蝶黃黑多斑大于衆蝶至今名之蝶
形二翅甚大彎環如剪厚粉如羶綿緩輕薄小
頭黑眼雙鬚飄逸當口復有一似鬚而差短能

屈伸者此其以鬚代鼻且嗅花且交感者也身
小而腹軟亦有粉腹下六足止則合暨其翅于
脊如張片帆兩翅為一翅如人合掌兩手為一
手幾刺扇揚軟劍葉葉然可愛交則翅粉漸退
其色多黑白青黃等小者無斑大者有斑紋成
圓點對如繪繡蠹蠋諸蟲老俱生圭角六七日
背垢蛻為蛾蝶其色各隨所化物俗謂鬚為胡
故名蝴蝶又麥濕轉則出小蛾翅亦有粉有斑

晝飛又非火螿莊子云鳥足之根為蟻螿其葉
為蝴蝶蝴蝶胥也又云昔者莊周夢為蝴蝶栩
栩然蝴蝶也任昉述異記云楚莊王宮女一旦
化為野蛾飛去古今注云蛟蝶一名野蛾一名
風蝶江東謂之撻木色白背青者是也其有大
如蝙蝠者或黑色或青斑名曰鳳子一名鳳車
一名鬼車生江南橘樹間搜神記云朽葦為蒼
麥為螿蝶稻為蛭埤雅云菜蟲化蝶北戶錄云

樹葉化蝶丹青野史云彩裙化蝶西陽雜俎云
百合花化蝶劉魯封見滕王蝶圖有名江夏斑
大海眼小海眼村裡來菜花子等蛺古作螿蝶
古作蜚字通古樂府云蛺遊蛺遨戲東園奈何
卒逢三月養子鶯接我首惜爾爾雅不載婦案
爾雅螿羅一條在蠅蛹與螿繭之前遠不相涉
郭注螿螿非也蝶一名野螿說文大曰蝶小曰
螿其名一也且羅者羅綺輕盈之義非蝶不稱

蜻蛉
聲

又北齊書魏收輕薄人號驚蚊蝶則蛺蝶固隨地所有隨人所見爾雅決不獨遺螫羅必蜻蛉也梁沈麟士有異賦

林下水邊屏諸躩躩蜻蛉可來虹蛭堪侶過花不問立竹自喜挿空劇遊黠波未已亭亭寄傲魚魚脚次不肯折腰安知搖尾當畫而羞蚤蚤異仙鼠之昏伺凌秋而啜玄露同潔蟬之遠志峩峩兮側注而廣弁肅肅兮紗裳而揚幟闐寂兮面壁而屬

思期約兮倚欄而佇竢
悅名士之風流想可兒之
深致近談笑而旁若無人
玩股掌而舉止無異狎
來遊于海鷗遠遁跡于機
事喜綠珠之掩映恥絳
騶之蓬韋彼脫青兮着緋
如為郎兮入貲豈熟官
兮爰作佻乘傳兮棄繻
奈擲揄兮路鬼慮因蟻兮
膠飴

蜻蜓禾呼星鈴身翠綠色大者長二寸許頭圓
而偉岸突目短項腹僅與頭等腰以下長于頭

腹三倍至尾修緼如一亭直勁挺全體如釘六
足俱在頸下腹前四翅殊大輕薄堅亮如膠紗
常時敞開止亦不翕近則聞其翅間肅肅作聲
六七月水蟲化生羣飛水際遇雨後輒多時釘
止庭院牆壁樹葉間半晌不動人近之亦不驚
取而弄之亦自若也時復御尾而飛市語星蛉
咬尾巴食蚊蚋飲露水其雌者腰間有碧色一
遭有赤色者差小亦呼紅蝗蛉因以號緋衣之

蝻 音務
子 蝻 音
蝻 音

不繇科目者爾雅云蝻蝻負勞郭注或曰即蜻
蛉也江東呼狐梨邢疏蝻蝻一名負勞方言云
蜻蛚謂之唧蛉淮南人呼螻蚱亦曰蝻也淮南
子云水蠶為蝻蝻註蜻蛉造化權輿云水蠶化
蝻蝻謂其色青葱也羅願雅翼云水蠶化蜻蛉
蜻蛉仍交于水上附物散卵復為水蠶說文名
桑根呂覽注名白宿陶弘景名諸乘亦名蜻蛚
亦名紗羊古今注云大而色青者曰蜻蛚亦曰

青亭小而黃者江東名胡黎一作胡離翻陽名
江雞小而赤者曰赤卒曰絳騶絳騶者漢制導
卒之服也亦曰赤衣使者曰赤弁丈人大而玄
紺者曰紺蝶遼海名紺蟹亦曰紺蟠曰童蟠曰
天雞海邊人食之謂青蝦所化埤雅云亭午則
亭故名亭或作蜓廷亦直也東方朔別傳云朔
射覆曰馮翊馮翊六足四翼頭如珠尾正直呂
覽云海上之人有好蜻蛉者前後左右皆蜻終

日玩之而不去其父告之曰汝取而來吾將玩
之明日之海而蜻無至者矣國策云蜻蛉自以
為無患與人無爭五尺童子方將調飴膠絲而
下為蝼蟻食也博物志云五月五日埋蜻蛉頭
于正中門可化青珠古賦云塗青趺而還錢埋
蜻蛉而變珠○仙鼠即蝙蝠一名伏翼變化論
云蝙蝠夜值庚申乃伏故曰蝙蝠忌庚申燕避戊
巳蝙蝠形大附蜻蛉賦不詳

之蟲用文螿蝦用武奮臂當轍矚目拒斧扯脅甘
糜餘勇足賈捍石不轉生駒矯步延頸兮鵠望翕
翼兮勢俯擁盾兮鴻門晚壁兮秦柱指髮兮銜冠
投肉兮怒虎歌猛士之守四方嘆拊髀而思牧頗
強主為之胆輪氣士命曰斫父何前却而捕蟬怯
郭形于鬼賊遠曳腰而藏刃近委距而戢跡觸琴
中之殺機導黃雀之後襲象債帥之婪賕喪強志
于弱骨畫攫金而自蔽喜就溺而不識惑衆目之

易遮持隻手之可隔致肺肝之盡見悉翳葉之故
術

螳螂亦呼尿出螳螂手握其股時溺出小有臭
氣可藥小兒之夜溺者其狀驤首如馬奮臂如
斧橫頭突目雙鬚特長頸長視身三之一腹潤
視頸一之五俗呼兩尖中鉅之物曰螳螂肚式
前二股如猿手長大有戟後四足差小亦長善
緣而捷以鬚代鼻喜食人髮入口則吸如卷絲

蟻音昆相音蟬音
蟻音蟬音

數莖立盡六月入林捕蟬竦腰緩步必翳葉後
或云術家取翳作法可以隱形深秋乳子作房
隨樹皆粘以桑枝上者入藥即蝶蛸也房長寸
許大如拙指其內重重有隔每隔有子如蛆卵
至芒種節後齊出爾雅云不過蟻壤其子蟬蛸
又一條云莫緡蟻蝗蛸郭注蟻壤蟻蝗別名蟻
蝗有斧蟲江東呼為石蝗蟬蛸一名蟬蟻蟻
卵也邢疏不過一名蟻壤其卵蟬蛸一名蝶蛸

莫辨一名蠹娘一名蟬即不過也又名齧狀方
言云潭魯以南謂之蠹娘三河之域謂之螳娘
燕趙之際謂之食疣齊杞以東謂之馬谷或謂
之髡或謂之町或謂之芊芊齊兗以東謂之敷
常別本髡一作髮町一作丁芊芊一作羊也疑
有誤月令云仲夏螳娘生周書時訓解云芒種
之日螳娘生不生是謂陰息莊子云螳娘執翳
而捕蟬見得而忘其形又云螳娘怒其臂以當

車轍不知其不勝任也說文云螳螂一名斫父
蔡邕云螳螂殺蟲又邕在陳留有召邕者至門
聞琴而曰是有殺心去之既而知客有鼓弦者
見螳螂向鳴蟬蟬將去而未飛為之一前一却
惟恐其失之也說苑云螳螂委身曲斧欲取蟬
不知黃雀在後晉書云桓玄嘗以一柳葉給顧
愷之曰此螳螂捕蟬所翳葉也取以蔽身人不
見已愷之喜引葉自蔽玄就而溺焉愷之信其

不見己也甚珍其葉淮南子云得螳螂捕蟬自
郭葉可隱身楚人誤齎葉入市取人物為吏所
縛陶弘景云螳螂俗名刀螂一呼當螂亮人謂
之拒斧代人謂之天馬燕趙謂之蝕朮今人病
贅朮者捕此食之蝶蛸一名致神一名夷冒一
名野狐鼻涕吳氏本草云一名害焦孫炎云螳
螂亦一生百子如蝨斯郭璞贊云螳螂氣蟲搏
斧奮臂當轍不迴句踐是避勇士致斃勵之以

竈雜

趨音
照

義抱朴子云晉文迴輪于勇蟲而壯士雲赴句
 踐曲躬于怒蛙而成卒輕死韓詩謂迴車者為
 齊莊淮南謂為齊桓晉成公綏有螳螂賦
 趨距之屬神騰鬼趨螳堂可將諸則部較旗鼓既
 偃燈火噉嘯伏兵一起風雨躡蹕刀斗失律入舍
 為盜增竈減竈不若媚竈雞不司晨馬不服卓掇
 匕箸之輟澀竊湘沃之利毫恐惶釜與郇廚難賣
 緣而入竅有衆腥聞踴躍頡頑趨炎逐粒着脚奔

職郎

撒尾
印頭

忙鮑肆未惡椒盤不芳朱輪陰襪謚曰賊郎穿帷
箔兮醜牆茨點簋簋兮敬登豆衣錦兮夜行掩鼻
兮邂逅將三日兮餘香尾胡為兮遺臭合彊項兮
死爭頭胡為兮頻叩豈口過兮逆施笑下風兮拜
受豈面縛兮表降哀搶地兮呼宥乘昏暮兮乞憐
驕施人兮白晝謂暗室兮可欺慣出處兮由竇世說
云郝公勤着脚

竈馬禾呼竈雞穴竈旁而居狀如促織稍大背

削而高六足跂長黃黑色翅短善跳不能飛應
更乃鳴酉陽雜俎云俗言窠有馬足食之兆爾
雅不載。行夜禾呼賊螂市語謂臭穢之物為
賊東西故惡而名之形似蠶蛾而瘦腹背俱赤
兩翅能飛亦不甚遠喜燈火光輒夜行人觸之
即氣出甚臭其屎尤臭本生草中八九月入人
家壁間窠下聚至千百凡器物着之無不嘔唾
能入蜂匣中食蜜蜂蟄盡養蜂者尤忌之爾雅

撒昨
夏切
厲音
譬

云蜚蠊蟹郭注蟹即負盤 蟲五行傳云蜚蠊
臭惡南方淫氣所生陶弘景云漢中人食之名
石薑一名滑蟲又呼茶婆蟲小兒呼厲盤蟲或
呼氣蠶又諱稱香娘子羅願云此物好以清旦
食稻花日出則散田家早作掇拾之不則臭惡
燻處稻即不蕃春秋所書有蜚不為災即此亦
稱厲蟲。斑蝥禾間有之呼撒厲蟲黑頭赤尾
斑背尖喙有甲長三四分許人獲之尾後惡氣

射出臭不可聞亦呼斑猫俗書不吉語則云踏
殺撒屨蟲李時珍本草云樹葉上甲蟲春食芫
花名芫青夏食葛花名葛上亭長亭長者玄衣
赤幘也秋食豆花名斑蝥冬入地中名地膽總
名盤蝥蟲永少不詳。叩頭蟲似斑蝥而黑色
其甲甚堅按其背則叩頭有聲時在几牖間感
撥自叩劉敬叔異苑云叩頭蟲形色如火黑豆
咒令叩頭又令吐血皆從所教殺之不祥佩之

螢

令人媚愛晉傅咸有叩頭蟲賦以上二蟲爾雅
俱不載

若夫焰乘颺光低回天路流映星河集輝珠樹點
車囊而藜吹綴隋宮而燈布爭爝火于明月不湮
濕于行露激炊風而電閃驚燎原之發炷賺慕燭
之從遊羞白鳥而易捕苦畫短兮夜長聊秉燭兮
虛步處靜嘿而愈彰兮無市聲而昏鶩綴炎竈而
續炊兮詎因熱而爽度托務成而著靈兮辟毒刃

蠲

燿
音
調

而都護豈陰火之精熒兮通山澤而氣固洵如方
術兮奏神奇寧戲豎子兮歌來暮宵行兮蠲蠲羽
翼兮不傳薄處膏而自煎幽舍燼而假寤身欲見
而趨趨尾小明而湊滂望燿耀之飛太空如燭龍
之騰薄霧一隱一見兮任寒灰之復燃有昭有晦
兮究草木之同腐

螢禾中兒謠螢火蟲夜夜紅其身如一粒帶波
稻米大者長二分許小者分扁頭突眼短鬚兩

翅六足背正平首尾齊等純黃色惟眼黑走疾
而飛緩絕無聲臭晝伏宵出腹下有光如熾炭
乍燭乍焰就燈月則光小而青入暗則光明大
于身四五倍近視一光白色可焰徑寸遠視羣
光互閃似白似紅似更大一螢可焰徑尺亦神
光也生夏月濕熱時腐草及燭竹根所化初如
蛹有微光數日變而能飛一種如大蛆其光或
在喉下或在尾後無翼不飛亦不甚明豳風云

螢古
螢通

熠耀宵行毛義熠耀燐也燐螢火也爾雅云熒
火即熠郭注夜飛腹下有火蟲邢疏熒火一名
即熠呂氏月令云季春之月腐草化為螢明堂
月令云腐草化蠲夏小正云八月丹鳥羞白鳥
傳丹鳥者丹食也白鳥者蚊蚋也羞者進也不
盡食也周書時訓解云大暑之日腐草化為螢
不化為螢穀實鮮落衍義云螢得大火之氣故
光古今注云螢火一名輝夜一名景天一名熠

燿一名丹良一名燐一名丹鳥一名夜光一名
宵燭韻會云螢火名燐本草圖經云一名放光
一名夜焰一名救火一名據火一名挾火飛者
曰螢不飛者曰蠲亦曰螢蛆傳云螢戴火而寒
埤雅云西北多螢大者如棗行而有光曰宵行
董氏云熠燿非螢自是一種蟲夜行地上如蠶
喉下明晉陽秋云車胤家貧不常得油以練囊
盛螢數十頭映讀隋書云煬帝幸景華宮徵求

切他短睡音

螢火數斛放之光遍巖谷淮南畢萬衍云螢火
却馬高誘注取螢火裹以羊皮置土中馬見之
鳴却不敢行神仙感應篇云務成子有螢火丸
主辟疾病惡氣百鬼虎狼蛇虺蜂蠆諸毒及五
兵盜賊凶害一名虎將丸又名武威丸相傳皇
甫隆受之青牛道士傳魏武帝方今醫書中多
有宋龐安常總病論稱其神埽案東山篇町睡
鹿場熠燿宵行朱注云熠燿明不定貌宵行蟲

名以宵行為名而以熠燿為狀固非以鹿場句
為另義而不連下句亦非毛公義熠燿燐也燐
螢火也其義甚明確而孔疏以燐為鬼火而駁
之亦非孔疏知燐乃鬼火而不知螢火之青正
同鬼火故名燐朱子疑末章倉庚于飛熠燿其
羽因謂總是比擬而不知倉庚羽黃而明螢身
正黃而明故即以熠燿比之熠燿之為飛螢名
信也其實行當是地蟲有光者之名月令所謂

尺蠖
郭切
結音

天牛

蠶
結音
矢

蠱而必捐鄭袖媚而三閭見放驪姬嫗而申生受
顛夔結屈以求申縱俛仰以自縲蘄前步而故却
避延頸而思軒擬布指之求尺就首尾而率然辛
習蓼而忘郁苦茹荼而失甘慰眠食于一葉蛻洗
髓而翩翾仙有帝衣之化俗無絲系之纏配龍蛇
之潛密喻吏隱之智閑天水牛兮多力觸礪角兮
匪石窮緣木兮歎缺安用喙兮三尺蠟面天兮背
行偏舍脛兮用脊經坎壈兮駛放誰捷足兮先得

蝻蟻蝻蠹木中總呼蠹蟲其小者呼蛀蟲在木
中者呼大蛀蟲生米腐朽處其蟲豐潔且白節
長足短口黑穿木如錐居柳樹桑樹者更白居
橘樹者綠色而大有角名橘牛居巢中者或白
或黃或鮮紅而纖小惟桃中者色兼紅白殊好
木先蛀而蟲生市語楊樹無蟲鑽天去銜風云
頷如蝻蟻爾雅云蝻蝻蝻又云蝻蟻蝻又云蝻
桑蠹郭注蝻木中蠹蟲蝻蟻雖通名為蝻所在

異桑蠹即結蠅化書云燥濕相育不母而生蠹
蟻符子云石生金木生蝎七辨云蝨蟻之領阿
那宜顧說文云古者譖從中起謂之蝎譖陶弘
景云似蠹而在木中食木者為蝎而後化為天
牛似蠹而在樹上食葉者為蠹而小而小屈而
後申者為尺蠖似尺蠖而青小者為螟蛉三蟲
皆不能穴木至夏俱羽化為蛾蝶蝎非盡蠹蟻
非蟻蟻尺蠖亦呼青蠹亦呼像稜蟲似桑蠹

叔蠹
音

而細行則首尾相就屈而後申老則以葉自卷
作繭與樹榎無辨漸蛻為蝶或以絲纏粘門壁
間蛻去遺薄衣如竹帚燈籠兩頭尖中橋起而
空已化蛾蝶去矣爾雅云蠶蛻郭注今蠅蠹
邢疏蠶一名蠅蠶易繫辭云尺蠖之屈以求信
也龍蛇之蟄以存身也郭璞贊云嗟茲尺蠖體
此屈伸論配龍蛇見嘆聖人晏子春秋云尺蠖
食黃即身黃食蒼即身蒼方言云蠶蠹謂之蠅

蝮音

蝮又呼步屈埤雅云漢志尺者夬也蝮義取諸尺蚓義取諸引今人布指求尺一縮一伸如蝮之步是也齊鮑昭有尺蝮賦曰蝮蝮亦呼地蝮蟲形畧如蠶大者如是扭指以背滾行乃遠于用脚身肥而短節促足有毛筋生積草中者外黑內黃生舊茅屋土中者外白內黯爾雅云蝮蝮郭注在糞土中邢疏蝮蝮一名蝮蝮莊子云鳥足之根為蝮蝮淮南子云以黍置溝成蝮

蟻
音

光如漆甲上有黃白點甲下有短翅目前有二
黑角甚長前向如水牛角能動其喙黑而扁如
錐甚利似蜈蚣喙六足在腹上下緣本飛騰不
遠夏月穴孔藏樹中出則主雨爾雅云蟻齧桑
郭注似天牛長角體有白點齧桑樹作孔入其
中江東呼為齧髮邢疏蟻一名齧桑家語云食
木者多力而不治李時珍云天水牛角如八字
名八角兒亦有一角者名獨角仙蘇軾天水牛

詩云為牛竟何益利吻穴空桑則天牛即齧桑
也埽業爾雅無所謂天牛者郭注似字當是即
字

